

# Alkitab Anggen Anak Alit

Pemucuk Purin  
Ida Sang Hyang  
Widi Ngrauhin  
Ida Yesus



Kasurat olih: Edward Hughes

Kaperagayang olih: Byron Unger; Lazarus  
Alastair Paterson

Ka tempa saking: M. Maillot; Sarah S.

Ka dwi aksarayang olih: Ni Luh Mastri Ayu Caerina;  
Pdt I Gusti Made Alit Purya


Kakaryanin olih: Bible for Children  
[www.M1914.org](http://www.M1914.org)

©2023 Bible for Children, Inc.

Perarem: Ida dane dados nerjemahang utawi nyalin carita puniki,  
nanging nenten dados ke adol.




Rikala dina anu Ida Hyang Yesus ka pura agung Bait Sucine, Ida nyingakin anak-anak ane tuara nyak miara Bait Sucine. Ditu ia ngadep sekancan buron lan tongos anak nukar pipis.



Ida ngae pecut uli tali, raris Ida nongsokan pedagange ento apange pesu uli pura agung Bait Sucine. “Aba makejang barang-barang ento pesu!” Baos Ida Hyang Yesus. “Eda pesan nadiang Purin Ajin Tiange dadi tongos medagang!” Ida Hyang Yesus sayang pisan ring Purin Ajin Idane.





Para pemucuk agama ngidih tanda, ane nyinahan Ida madue kuasa buat ngusir ia uli Purin Ida Sang Hyang Widi. “Uwugan je purin Ida Hyang Widi ene, buin tigang rahina tiang lakar mragatang.” Baos Ida Hyang Yesus. Tan Je Mrasidayang. Purin Ida Sang Hyang Widi puniki kawangun petang dasa tiban mekelone.



Nanging Ida Hyang Yesus ngraosang indik anggana Idane, ane kaumpamayang sakadi purin Ida Sang Hyang Widi, genah Ida Hyang Widi melinggih. Ida Hyang Yesus uning Ida pacang padem di kayu salibe, tur Ida uning, Ida Sang Hyang Widi lakar ngidupang Ida uli tengah kuburane, ring rahina sane kaping tiga.





Rikala wengine pemucuk purin Ida Sang Hyang Widi ngrauhin Ida Hyang Yesus. Ia nawang mujisat sane kakaryanin olih Ida Sang Hyang Yesus asalne uli Ida Sang Aji. Dane Nikodemus ngrauhin Ida Hyang Yesus buat melajah indik sabdan Ida Sang Hyang Widi Wasa.





Pangandikan Ida Hyang Yesus ring Nikodemus, anake patut kelekadang buin apange nyidang masuk ring kraton Ida Sang Hyang Widi. Dane Nikodemus tusing ngresep. Kenken carane anake ane sube tua buin kalekadang care bayi? Boyeke ia anak ane taat mebakti ring Ida Sag Hyang Widi. Apeke pengelaksanane ento tonden cukup?








“Anake ane tusing kelekadang uli yeh lan roh, anake ento tusing lakar nyidang masuk ring kraton Ida Sang Hyang Widi. Roh Ida Sang Hyang ento cara angin. Tusing ada anak ane nyidang ningalin angin. Ia tuah nyidang ningalin kekuatan angine.”






Ida Hyang Yesus ngingetang dane Nikodemus indik bangsa Iraele ane setata pada pari selsel ring dane Musa dugase ipidan. “Tiang tusing ngelah dedaaran, sing ngelah yeh, tusing demen ngajengan roti sane kapicayang Ida Sang Hyang Widi,” keto ia gelur-gelur.




Dosan ipune ngranayang Ida Hyang Widi duka. Ida ngutus lelepi poleng di tengah-tengah ipune. Liu anake ane mati cegut lipi.



“Iraga suba medosa. Jalan jani ngestawa nunas ice apange lelipi poleng ene mekaad uli dini,” keto pengidihne.



Ida Sang Hyang Widi Wasa mrentahan dane Musa apange ia ngae tungked cara lelipi. “Nyen je cegut lelipi ia lakar idup yening ia noli tungked lelipine,” Janjin Ida Sang Hyang Widi. Dane Musa lantasi ngae tungked care lelipi melakar aji tembaga tur nyen je noli tungkede ento ia lakar seger.





Pangandikan Ida Hyang  
Yesus ring dane Nikodemus,

Ida Sang Putraning Manusa patut  
kapentang cara tungked tembaga ne  
ento. Pangandikan Ida Hyang  
Yesus ento ngeniang indik  
salib ring dija Ida seda  
pabuat dosa-dosan  
manusane.





Ida Hyang Yesus mesabda,

“Santukan asapunika ageng sih  
pasuecan Ida Hyang Widi Wasa  
marep ring jagate ngantos Ida  
micayang Putran Idane sane  
tunggal, mangda asing-asing  
anak ane percaya  
muponin urip  
sane langgeng.”





Pangandikan Ida Hyang Yesus  
negesang, nyen ja percaya  
ring Ida Sang Hyang Yesus  
nah ia suba masuk ring  
keluarga Ida Sang  
Hyang Widi.





Mirib dane Nikodemus tonden dadi sisiaan Ida Hyang Yesus di peteng dinane ento. Sakewala makudang-kudang tiban sesubane, dane Nikodemus nyinahang dewek dadi anak ane nresnain lan percaya ring Ida melantaran nguopin nguburang Putran Widine sane seda ring salibe.



Sesubane ento, Ida Hyang Yesus sareng-sareng sisian Idane memargi ngajanan. Anake ane lenan masi perlu ningehan indik kraton Ida Sang Hyang Widi, tur ngelah kesempatan apange percaya ring Ida Sang Hyang Yesus ane saking Nazaret, Putran Ida Sang Hyang Widi.



Pemucuk Purin Ida Sang Hyang Widi Ngrauhin Ida Yesus

Wenten katuturan carita saking pengandika Ida sang Hyang  
widi mewasta Alkitab,

dados sobyahang ring

Yohanes 2-3, Cacah Jiwa 21

“Pemargin saking pengandika Ida Ngicenin Karahayuan.”

Mazmur 119:130



Puput



Carita ring Alkitab puniki nyaritayang indik Ida Hyang Widhi mahotama sane ngripta iragane tur sane mapikayun iraga nguningin Ida.

Ida Hyang Whidi uning iraga sampun melaksana sane iwang, sane kaucap antuk papa. Papongoran antuk jadmā sane melaksana papa inggih punika lepas utawi padem, sakewanten Ida Hyang Whidi dahat sutresna. Ida raris ngutus okan Idane sane meraga tunggal, sane mapesengan Ida Hyang Yesus Kristus, mangda Ida lepas ring taru Salib tur kapongor sangkaning kaiwangan iragane. Ida Hyang Yesus urip malih tur mantuk ka Suarga loka! Yening ragane pracaya indik Ida Hyang Yesus tur mapinunas mangda Ida ngicenin pangampura antuk keiwangan-kaiwangan iragane, Ida jagi nglaksanayang! Ida jagi rauh tur meneng ring sejeroning pareragan ragane sane mangkin, tur ragane jagi nyeneng sareng Ida ngantos riwekasan.

Yening ragane pracaya indik kepatutan punika, nikaang puniki ring Ida Hyang Widhi: Ida Hyang Yesus, tityang pracaya pareragan Idane sawiakti Ida Hyang Parama Kawi, nanging Ida nyeneng dados manusa sane lepas santukan nebasin kaiwangan iragane, tur sane mangkin Ida pacang urip malih. Dumogi Ida rauh ring kauripan iragane lan ngicenin pangampura antuk keiwangan iraga makesami, sane ngawinang irage madue keuripan sane anyar tur buin pidan irage pacang meraga siki sareng Ida. Wantu tityang satinut sareng titah Idane tur idup daos pianak Ida, Amin.

Ngiring ngewacen Alkitab tur mapitatur sareng Ida Hyang Widhi ngerahina! Yohanes 3:16

